

Schreiben Kurfürst Ernst's und Herzog Albrecht's an die Magister des Rathes der Universität, gewisse Irrungen betreffend. [1470.]

Hdschr.: Vielfach korrigirtes Concept Hauptstaatsarchiv Dresden WA. Universität Leipzig Bl. 21.

5 An die meister deß rats der universitet zcu Lipezk.
 Liben andechtigen. Ir habt in uwir antwort uff unser nehste schrifte berurt das die gancze universitet die dinge, davon unser forder schrifte ruren, angehaben unde durch uch nicht geendet mogen werden, unde als ir in unsern fordern schriften vermerckt habt das uns verwundere die ding in die gancze universitet zcu tragen, die der universitet
 10 nicht geboren zcu handeln, so solliche unde ander ordenunge in der stat Lipezk ires thuns nicht yn, sundir uns unde den unsern, den wir darumbe befohlen haben zcustehen, deßhalb halden wir die gesetze uwir schrifte an dem ende als ein unstathaft entschuldigung deß vorigen thuns, wollen auch noch nicht nochhengen adder gehellen das die ding an die gancze universitet ferrer getragen sollen werden. Unde wir können in uns nicht finden
 15 das ir dadurch an uwer gewissen geleczt werdet, ir woldet uch denn davon gewissen machen do eß nicht not wer, als is auch uwer n rector entschuldiget; unde wie wol von dem rector in unsern fordern schriften nichts gemeldet haben, so wil uns dennoch beduncken, das er mit der versampnunge der universitet zcu snel gewest unde sich mit unnottorfichtigen irsuchungen als er anders requirirt unde irsucht ist bewegen hat lassen,
 20 als einer der zcu einem thun selbst geneiget ist, als wir uß siner werbung abenemen mochten. Wir haben auch in unsern schriften verner gemeldet, das uns der rector dargegeben wer sundir von einen abgenommen vordacht geschriben der auff nimands wiset, der mit den allen in uwer schriften berurt nicht abegetragen wirdet, als wir uwer vernemen noch ansehen, unde darumbe hettet ir dese groben ungeformeten gesetcz wol
 25 mogen mussig gehen, darinne ir berurt das eß lichtfertige, unnutz, ungewiße unde verlogenen menner sein solden, die in gein uns also dargegeben unde verlogenen hetten. Unde wir hetten uns von uch wol versehen das wir von uch forder, wenn von andern, mit sollichen groben uppigen schriften nicht belestiget, sundir deß vortragen solden sin wurden, derglichen uns nicht mehr begegnet ist, so ir wol wissen sollet das man sittlich
 30 unde czüchtiglich in sollichen hendeln schriben solle, so wir denne noch uß uwer letzten schriften verstehen, das das kauff noch unser nehsten ordenunge mehr unde tregelichir geschit mit dem gewichte wenne vorhen gescheen ist. So können wir uwers clagens keinen grund irkennen unde regen deßhalb nochmals mit flisse, das ir uch unser nehstgethanen schrifte haldet unde unser ordenunge deß kauffs halben ußgesaczt; nicht desdemynner wollen wir mit flisse als eß in unserm unde der unsern den wir darumb befohlen haben ampte stehet irfursschunge lassen haben, domit ir unde die gelydder der universitet uff das lichte als geschehen mag ane beswerunge an den enden sin moget. Daran geschit uns wol zcu dancke.